

GRADA

GRAČANIČKI GLASNIK
časopis za kulturnu historijuBroj 52
Godina XXVI
Novembar, 2021.
[str. 103-110]

© Monos 2021

Privredna slika Gračanice, 2020. godine – kratak pregled

Prof. dr. Omer Hamzić (priredio)

Prilog se u potpunosti zasniva na materijalu pod naslovom "Informacija o aktuelnim privrednim kretanjima grada Gračanica u 2020. godini" koju je Gradsko vijeće Gračanica usvojilo na 8 sjednici Gradskog vijeća Gračanica, 31. 8. 2021. Riječ je o dosta opširnom dokumentu, obima 60 stranica, koji sadrži mnoštvo podataka, tabela i konstatacija o stanju privrede na području Gračanice u 2020. godini. Pandemija korona virusa svakako je prouzrokovala mnoge teškoće u poslovanju, ali nije, srećom bitno poremetila privredni život na području Grada, kako se u početku strahovalo. Materijali ovakvog tipa trebalo bi da budu putokaz nadležnim za utvrđivanje razvojne politike u kratkoročnom i dugoročnom pogledu, kao i za poduzimanje konkretnih mjera i poticaja pojedinim privrednim granama ili preduzećima. Na kraju priloga prenijeli tri tabelarna pregleda direktno iz spomenutog materijala sa rang listom dvadesetak najuspješnijih privrednih subjekata u 2020. godini po osnovnim indikatorima poslovanja: ostvarenom ukupnom prihodu i dobiti.

Ključne riječi: Gračanica, ekonomija, privređivanje, pandemija

Dokument koji jednom godišnje Služba za poduzetništvo, lokalni razvoj i finansije Grada Gračanica, redovno dostavlja na razmatranje Gradskom vijeću nosi oficijelni naslov "Informacija o aktuelnim privrednim kretanjima Grada Gračanica" (za prethodnu godinu), po svom obimu, sadržaju i informativnosti redovno prevazilazi zahtjev i okvir jedne obične informacije, već predstavlja solidnu ekonomsku analizu i detaljan presjek stanja privrede u ovoj lokalnoj zajednici i pruža dragocjene podatke, prikupljene iz pouzdanih izvora i stručno posložene u jednom dinamičnom i komparativnom nizu koji pruža uvide i mogućnost poređenja ključnih ekonomskih parametara, retro-aktivno i unazad pet ili čak deset godina.¹

¹ Za izradu ovih materijala, kao izvor korišteni su podaci o ostvarenim rezultatima u privredi, po završnim računima za period 2018.–2020. godine,

Kako se redovno i naglašava u uvodnom dijelu ovih materijala, njihova svrha je da omogućiti uvid svim zainteresovanim i odgovornim faktorima i privrednicima u “relevantne pouzdane i tačne informacije o ukupnim privrednim kretanjima, što je osnov za donošenje kvalitetnih odluka i mjera unapređenja poslovnog okruženja (...) Podaci iz Informacije treba da posluže i kao osnov za strateško planiranje i praćenje cjelokupnog ekonomskog razvoja na području Grada Gračanica.” Ovdje nećemo ulaziti u pitanje kako se ti podaci i analize koriste i praksi, ali je činjenica da na sjednicama Gradskog (ranije Općinskog) vijeća ne pobuđuju odgovarajuću pažnju i redovno, što bi se reklo “prolaze ispod radara”. Za to, svakako ima više razloga. Opća nezainteresiranost za ove i slične (životne teme) često se pravda izgovorima da općina/grad ili neki drugi nivo vlasti nema kompetencija i ne treba da se miješa u tu oblast. Većina medija svoju nezainteresovanost pravda nezainteresovanosti svog konzumenta itd. To je, svakako, pogrešno i zaslužuje neke druge analize.

Pristup ovog časopisa lokalnim ekonomskim temama bazira se na želji da na prikladan, u prvom redu, jasan i razumljiv način informišemo širu i lokalnu javnost o stanju ekonomije na ovom mikroprostoru. Smatramo da će dobro doći i onima “koji se pitaju”, pod uslovom da rade ono za što su izabrani ili imenovani, ali to nije primaran cilj objavljivanja ovakvih tekstova. Mi ih ne priređujemo kao stručno-ekonomske analize, kakve možemo naći u čisto ekonomskoj literaturi i publicistici, već kao historijsko štivo koje će se čitati kao izvor saznanja o tome kako su i od čega su ljudi živjeli na ovim prostorima u nekoj bližoj i daljoj prošlosti. Na tim historijskim saznanjima i poukama trebalo bi da se izgrađuje njihova budućnost. Zato

u prvi plan stavljamo one ekonomsko-finansijske pokazatelje, koji će interesovati obične ljude, ali i neke buduće istraživače prošlosti, načina života i privređivanja. Možda u ovom trenutku nije naivno pomisliti da će se neki “znatiželjci” u budućnosti, na primjer, zainteresovati za efekte i način proizvodnje ili prerade plastike u Gračanici isto kao što mi danas sa interesovanjem čitamo tekstove o preradi, prodaji i izvozu suhe šljive sa ovog prostora s kraja 19. i u prvoj polovini 20. stoljeća. Osim toga, aktuelnim tekstovima iz ove oblasti želimo pokazati da je Gračanica bila i do danas ostala “od posla čaršija”.

U skladu sa tim našim intencijama, u ovom tekstu sklopili smo privrednu sliku Gračanice u 2020. godini, popunjenu odabranim pokazateljima iz široke analize, skromnog naslova “Informacija o aktuelnim privrednim kretanjima Grada Gračanica u 2020. godini”, koju je Gradsko vijeće usvojilo na svojoj osmoj sjednici, održanoj 31. 8. 2021. godine.

Na početku, autori ovog materijala kratko su se osvrnuli na globalnu pandemiju COVID-19, koja je izazvala velike ekonomske poremećaje po čitavom svijetu, pa i u Bosni i Hercegovini, naravno i u Gračanici. “Prvi snažan udarac na ekonomiju desio se nakon uvođenja stanja prirodne nesreće u BiH, sredinom marta 2020. godine, kada su vlasti na svim nivoima organizovanja počele donositi mjere u cilju zaštite zdravlja i života naših građana. Pandemija je imala direktan uticaj na ekonomski sektor koji se morao prilagoditi novim izazovima.”

Svjetska zdravstvena organizacija i javni zdravstveni autoriteti širom svijeta, pa i u BiH preduzimali su aktivnosti u svim društvenim segmentima, s ciljem da se zaustavi širenje zaraze. Nakon službenog proglašenja stanja nesreće u Federaciji Bosne i Herce-

koji su obrađeni u kompaniji LRC Inženjering d.o.o., te podaci iz sljedećih institucija: Federalnog zavoda za zapošljavanje, Federalnog zavoda za statistiku, Federalnog zavoda za programiranje razvoja i iz Statistike Grada Gračanica

govine, u svim lokalnim zajednicama, pa i u Gračanici formirani su krizni štabovi koji poduzimaju mjere mjere prevencije s ciljem da se u prvom redu sačuva zdravlje i život građana i kako-tako osigura nastavak rada privrednih subjekata i javnih službi.

U sklopu poduzetih mjera, Gradsko vijeće Grada Gračanica je na sjednici održanoj 30. 4. 2020. godine donijelo Odluku o izmjeni propisa Grada s ciljem da se stvore uslove za obezbjeđenje pomoći iz gradskog budžeta, koja će se usmjeravati za ublažavanje posljedica pandemije Covid-19. U međuvremenu, donesen je i Pravilnik o kriterijima, načinu i postupku raspodjele sredstava iz Budžeta po kojem je distribuirana pomoć privrednim društvima i obrtima u cilju sanacije posljedica, uzrokovanih pandemijom. Raspisan je i Javni poziv za dodjelu jednokratne pomoći Grada privrednim društvima i samostalnim djelatnostima u cilju sanacije posljedica pandemije. Dodijeljene su jednokratne pomoći privrednim subjektima u ukupnom iznosu od 210.290,00 KM.

Ovom analizom obuhvaćeno je ukupno 448 kompanija s područja Gračanice koje su podnijele finansijske izvještaje Finansijskoj informatičkoj agenciji FBiH za 2020. godinu. U odnosu na ranije stanje, **struktura učešća pojedinih grana u ukupnoj privredi po djelatnostima** nije se bitnije promijenila. Najznačajnije učešće po visini ukupnog prihoda imaju sektori prerađivačke industrije (50,34 %), trgovine (28,58 %), građevinarstvo (10,57 %) i prijevoz (3,13 %). Detaljnijom analizom privredne strukture po djelatnostima, može se doći do zaključka da se 50,34% ukupnog prihoda, 46,72% dobiti i 56,99% zaposlenosti, ostvaruje u prerađivačkoj industriji. Na djelatnosti trgovine na veliko i malo, odnosi se 28,58 % ukupnog prihoda, 32,24 % dobiti i 17,98 % zaposlenosti privrede. Učešće građevinarstva u ukupnom prihodu iznosi 10,57 %, u dobiti 15,70 % i u zaposlenosti 10,65 %.

U sektoru prerađivačke industrije, koja obuhvata 161 poslovni subjekat, sa 4.654 zaposlenih, ostvaren je ukupan prihod u iznosu od 398,29 miliona KM, što predstavlja 50,34 % ukupnog prihoda privrede i dobit u iznosu od 31,61 milion ili 46,73 % ukupne dobiti privrede Grada.

U djelatnosti trgovine koja obuhvata 129 poslovnih subjekata, sa 1.468 zaposlenih radnika (ili 17,98 % od ukupnog broja zaposlenih u privredi), ostvareno je 226,12 miliona KM ukupnog prihoda, odnosno 28,58 % od ukupnog prihoda privrede, 21,81 miliona KM dobiti ili 32,24 % od ukupne dobiti privrede Grada.

I pored poduzetih mjera, zbog Covid pandemije, u privredi Gračanice zabilježeno je izvjesno **usporavanje privrednih aktivnosti** i poslovanja posmatramo li te aktivnosti kroz indikatore koji pokazuju pad ukupnog prihoda za 3,29 %, zaposlenosti od 1,69 %, izvoza za 4,17 %, ali se i u takvoj situaciji bilježi porast dobiti od 8,77 % u odnosu na 2019. godinu. U posmatраних 448 firmi u 2020. godini ukupno je bilo zaposleno 8.166 radnika, što je za 1,69 % manje u odnosu na 2019. godinu, a za 4,92 % više u odnosu na 2018. godinu.

U 2020. godini **prosječne plaće** porasle su sa 631,00 KM na 649,00 KM ili za 2,77 % u odnosu na prethodnu godinu, ali su još uvijek ispod prosječnih plaća TK i FBiH i čine 75,20 % prosjeka TK, a 67,88 % prosjeka FBiH. Prosječna penzija od 391,71 KM niža je od prosječne penzije Tuzlanskog kantona i penzije u FBiH i čini 85,72 % prosječne penzije TK (456,95 KM), a 91,54 % prosječne penzije u FBiH (427,92 KM).

Uvidom u podatke o **spoljnotrgovinskoj razmjeni** u periodu 2008.–2019. godini može se pratiti kontinuirano povećanje poslovne aktivnosti gračaničkih privrednih subjekata na stranom tržištu. U navedenom periodu obim spoljnotrgovinske razmjene povećan je za 55,32 % (sa 282,15 na 438,84

miliona KM). U 2020. godini pandemija je uticala na smanjenje uvoza za 17,32 miliona KM (sa 212 miliona KM na 194,99 miliona KM) i smanjenje izvoza za 9,44 miliona KM (sa 226,5 miliona KM na 217,09 miliona, dok je obim spoljnotrgovinske razmjene smanjen za 26,8 miliona KM).

Ostvarenim uvozom u iznosu od 194,99 miliona KM i izvozom od 217,09 miliona KM u 2020. godini, iskazan je pozitivan saldo od 22,10 miliona KM, a pokrivenost uvoza izvozom od 111,33 %, što je iznad pokrivenosti uvoza izvozom F BiH koji iznosi 58,83 % i TK koji iznosi 88,30 %. Učešće izvoza privrede Grada Gračanica u izvozu Tuzlanskog kantona iznosi 12,98 %, a uvoza 10,36 %. Dakle, uprkos globalnoj pandemiji korona virusa, u 2020. godini, nastavljani su pozitivni trendovi rasta u spoljno-trgovinskoj razmjeni.

Koeficijent **tekuće likvidnosti** privrede Grada (koji iznosi 1,24) bilježi porast u odnosu na 2018. godinu kada je iznosio 1,10. S obzirom da se kreće iznad vrijednosti 1, može se zaključiti da su gračaničke kompanije u dobroj poziciji "po pitanju" izmirenja obaveza tekućim sredstvima. Ovaj koeficijent niži je od tekućeg pokazatelja likvidnosti za 10 top kompanija u industrijskoj grani u BiH koji iznosi 1,87, ali je iznad tekućeg koeficijenta likvidnosti na nivou BiH koji iznosi 1,21. U periodu 2018. – 2020. godine prosječan broj dana naplate potraživanja smanjen je sa 58,43 na 57,03. Prosječan broj dana obrta zaliha povećan je sa 125,56 na 158,72 dana, dok je prosječan broj dana plaćanja obaveza prema dobavljačima povećan sa 58,87 na 62,9 dana.

Prosječan prihod po zaposlenom 2020. opao je za 6,00 %. Prosječan trošak bruto plaća po zaposlenom povećan je neznatno – sa 14.207,00 KM na 15.165,00 KM (dakle, za samo 6,32 %) i niži je od prosjeka 10 top kompanija (koji iznosi 26.450,00 KM) i pro-

sjeka privrede BiH (koji iznosi 20.370,00 KM).

Kretanje **indikatora solventnosti** u periodu 2018.–2020. godina: stepen tuđih izvora sredstava opada (sa 54,8 % na 52,9 %), stepen kreditnog zaduženja u odnosu na kapital raste (sa 39,7 % na 46,3 %). Procenat tuđih izvora sredstava od 52,9 % je viši u odnosu na industrijske grane BiH koji iznosi 28,4 % i top deset kompanija u industrijskoj grani u BiH (49,5 %). Stopa kreditnog zaduženja od 46,3 %, viša je u odnosu na industrijske grane BiH, koja iznosi 36,0 % i top deset kompanija u industrijskoj grani u BiH 15,2 %.

Pad likvidnosti je doveo do smanjenja stope zaduženja u odnosu na kapital.

U periodu od 2011. do 2020. godine u gračaničkoj privredi zabilježen je pozitivan trend **rasta investicija**. U navedenom periodu, 98 kompanija je investiralo u proizvodno-poslovne objekte, ukupne površine od 178.872 m², prosječno godišnje 17.887 m² korisne površine. Najviše proizvodno-poslovnih objekata izgrađeno je u samoj Gračanici (u poslovnoj zoni), zatim slijedi Stjepan Polje, Donja Lohinja i dr. U 2020. godini tri investitora investirali su u izgradnju tri stambena objekta kolektivnog stanovanja sa ukupno 191 stanom.

Vrijednost ukupne individualne **poljoprivredne proizvodnje** kontinuirano se povećavala i to sa 33,64 miliona KM iz 2017. godine na 53,49 miliona KM u 2020. godini. U odnosu na prethodnu godinu povećana je za 14,81 % (sa 46,81 miliona KM na 53,49 miliona KM), što je dijelom bilo rezultat podsticaja u poljoprivredi. Zabilježeno je povećanje svih vrsta proizvodnje. Najviše je zastupljena: proizvodnja povrtnog bilja 32,94 %, živinarstvo 17,56 %, proizvodnja žita 14,20, stočarstvo 12,90 %. Značajno mjesto zauzima govedarstvo, dok peradarstvo, s obzirom na tradiciju i dugogodišnje iskustvo, još uvijek predstavlja značajan potencijal za

rast i razvoj i od 2017. godine pokazuje tendenciju rasta.

Ukupna investiciona ulaganja u individualnu poljoprivrednu proizvodnju smanjena su čak za 75% – sa 730.000,00 KM iz 2019. godine na 240.000,00 KM u 2020. godini. Međutim, značajno je povećana novčana podrška u poljoprivredi koja je ostvarena u iznosu od 2.082.734,00 KM, što predstavlja povećanje za 25,42 % u odnosu na 2019. godinu. Od tog iznosa, 36,26 % ili 755.631 KM realizovano je iz budžeta Tuzlanskog kantona, a 63,74% ili 1.327.103 KM iz budžeta Federacije BiH.

Na osnovu ukupnih kretanja u poljoprivredi može se zaključiti da su do sada programi novčane podrške pozitivno uticali na povećanje obima poljoprivredne proizvodnje, zadovoljenje domaćeg tržišta vlastitim proizvodima, stvaranje tržišno orijentisanih proizvođača, veće zapošljavanje itd.

Prema novoj Metodologiji za izračune indeksa razvijenosti, koja se primjenjuje od 2018. godine, po **rangu razvijenosti**, Grad Gračanica se nalazi na 23 mjestu, od 79 općina/gradova u FBiH, a na trećem mjestu u Kantonu Tuzla, poslije Tuzle i Banovića, sa indeksom razvijenosti od 0,94, u III grupi (od pet grupi). Poređenja radi u III grupi su:

Općina Gradačac na 36. mjestu i Srebrenik na 45. mjestu.²

SUMMARY

THE ECONOMIC FRAMEWORK OF GRAČANICA IN 2020 – A BRIEF OVERVIEW

The article is entirely based on the material entitled "Information on the current economic trends in the city of Gračanica in 2020", which was adopted by the city council of Gračanica at the 8th session of the council meeting in Gračanica on the 31st of August 2021. It is a rather extensive document, 60 pages long, which contains a lot of data, tables and statements on the state of the economy in the Gračanica region during 2020. The coronavirus pandemic certainly caused many difficulties in everyday business, but fortunately it did not significantly disrupt the economic life of the city as was initially feared. Such materials should be seen as a guide for those responsible for the determination of development policies in the short and long term, as well as taking concrete measures and incentives for certain industrial capacities or companies. At the end of the article, we present three tabular overviews which are taken directly from the aforementioned material with a ranking list of the twenty most successful business entities in 2020 according to the basic indicators of successful business: realized total income and profit.

2 Izvor podataka: "Socioekonomski pokazatelji po općinama FBiH u 2020. godini". Obrada: Federalni zavod za programiranje razvoja – juni 2020. godine.

PRILOZI

Pregled najuspješnijih firmi prema ukupnom prihodu, dobiti i operativnoj dobiti zaposlenom

preuzeto iz "Informacije o aktualnim privrednim kretanjima Grada Gračanica u 2020. godini" (str. 31 – 33), koja je usvojena na 8 sjednici Gradskog vijeća Gračanica, 31. 8. 2021.

Prilog 1

Dvadeset najuspješnijih firmi u 2020. godini ostvarilo je ukupan prihod od 429,10 miliona KM, što predstavlja 53,99 % ukupnog prihoda privrede Grada. Ukupan prihod ovih firmi je smanjen za 4,4 % u odnosu na 2019. godinu, a povećan za 4,81 % u odnosu na 2018. godinu što se vidi iz sljedećeg pregleda:

Najuspješnije firme prema visini ukupnog prihoda u periodu 2018. – 2020.

	Naziv kompanije	Prihod			% ukupnih prihoda 20 najvećih kompanija u privredi Grada Gračanica		
		2018	2019	2020	2018	2019	2020
1	MOTOREX d.o.o. GRAČANICA	47.553.572	54.819.931	49.124.818	5,93%	6,70%	6,21%
2	TRGOVIR d.o.o. o Gračanica	43.862.067	42.873.266	39.579.465	5,47%	5,24%	5,00%
3	ZEKA-COMERC d.o.o. Gračanica	28.612.639	32.768.550	38.054.820	3,57%	4,01%	4,81%
4	RPC Superfos Balkan Gračanica d.o.o.	32.944.124	37.494.718	36.963.671	4,11%	4,58%	4,67%
5	ŠIRBEGOVIĆ INŽENJERING d.o.o. Gračanica	32.736.656	40.604.438	34.004.800	4,08%	4,96%	4,30%
6	NASKO Gračanica d.o.o.	25.961.937	26.690.244	27.285.551	3,24%	3,26%	3,45%
7	ROADING d.o.o. GRAČANICA	15.803.224	25.418.071	21.283.817	1,97%	3,11%	2,69%
8	PLAMINGO d.o.o. Gračanica	22.447.621	23.313.465	20.772.770	2,80%	2,85%	2,63%
9	ISOWOOD d.o.o. Gračanica	17.502.419	18.500.787	19.728.639	2,18%	2,26%	2,49%
10	EDO-SLAD d.o.o. Gračanica	18.139.313	19.859.317	17.710.894	2,26%	2,43%	2,24%
11	SUMAN d.o.o. GRAČANICA	17.605.359	17.752.516	16.888.148	2,19%	2,17%	2,13%
12	VARIPLAST Gračanica d.o.o.	16.428.148	16.393.697	14.915.453	2,05%	2,00%	1,89%
13	TERRASIT INSULATION d.o.o. Gračanica	15.349.737	13.437.407	14.680.367	1,91%	1,64%	1,86%
14	EURO PROST d.o.o. GRAČANICA	9.983.442	11.344.989	13.092.893	1,24%	1,39%	1,65%
15	JADRINA d.o.o. Gračanica	12.461.756	12.434.642	13.004.938	1,55%	1,52%	1,64%
16	RADIUS d.o.o. Gračanica	9.290.873	9.855.298	11.843.224	1,16%	1,20%	1,50%
17	INDEX d.o.o. GRAČANICA	17.623.766	16.158.638	11.647.828	2,20%	1,98%	1,47%
18	BEMA BA d.o.o. Gračanica	7.491.419	9.602.670	9.925.890	0,93%	1,17%	1,25%
19	INGRAT d.o.o. GRAČANICA	8.139.138	9.274.583	9.390.064	1,01%	1,13%	1,19%
20	POLY d.o.o. GRAČANICA	9.493.315	10.259.015	9.204.308	1,18%	1,25%	1,16%
	Ukupan prihod 20 kompanija	409.430.525	448.856.242	429.102.358	51,03%	54,86%	54,23%
	UKUPAN PRIHOD U PRIVREDI GRADA GRAČANICA	802.304.620	818.149.557	791.258.829	100,00 %	100,00 %	100,00 %

Prilog 2

Dvadeset najuspješnijih firmi u 2020. godini ostvarile su dobit od 45,08 milion KM što je za 11,37 % povećanje u odnosu na 2018. godinu. Ove firme ostvarile su 63,93 % ukupne dobiti privrede, što se vidi iz sljedećeg pregleda:

Najuspješnije firme prema visini ukupne dobiti u periodu 2018.-2020. godine

	Naziv kompanije		Ukupna dobit 2018	
			2019	2020
1	MOTOREX d.o.o. GRAČANICA	13.051.887	13.257.418	10.585.333
2	ROADING d.o.o. GRAČANICA	2.162.891	2.928.000	4.981.309
3	RPC Superfos Balkan Gračanica d.o.o.	2.115.982	3.364.401	4.018.808
4	ZEKA-COMERC d.o.o. Gračanica	1.743.708	1.908.688	2.986.105
5	AMBRA d.o.o. Gračanica	631.120	1.266.075	2.141.633
6	BEMA BA d.o.o. Gračanica	1.319.890	2.234.407	2.111.597
7	ŠIRBEGOVIĆ INŽENJERING d.o.o. Gračanica	2.256.652	2.632.230	1.897.298
8	TRGOVIR d.o.o. o Gračanica	1.885.752	1.814.395	1.695.515
9	ISOWOOD d.o.o. Gračanica	1.536.579	979.145	1.658.497
10	SUMAN d.o.o. GRAČANICA	2.184.918	1.665.232	1.644.302
11	PLASTOFLEX d.o.o. Gračanica	337.552	20.873	1.537.565
12	PLAMINGO d.o.o. Gračanica	1.182.690	718.609	1.456.054
13	NASKO d.o.o. Gračanica	864.565	1.129.860	1.346.335
14	EDO-SLAD d.o.o. Gračanica	1.607.161	2.072.016	1.311.155
15	ALIBEGOVIĆ PLAST d.o.o. GRAČANICA	917.416	706.675	1.066.366
16	INDEX d.o.o. GRAČANICA	4.003.418	2.732.745	1.021.487
17	TEHNA d.o.o. GRAČANICA	361.260	556.900	945.158
18	VARIPLAST Gračanica d.o.o.	1.067.759	653.295	916.931
19	PLASTEX d.o.o. Gračanica	656.925	307.116	903.441
20	EURO PROST d.o.o. GRAČANICA	588.540	640.214	855.238
	Ukupna dobit za 20 kompanija	40.476.665	41.588.294	45.080.127
	UKUPNA DOBIT U PRIVREDI GRADA	60.843.904	65.709.304	70.515.334
	Učešće dobiti 20 komp. u ukupnoj dob. privredi Grada u %	66,53%	63,29%	63,93%

Najuspješnije firme prema visini operativne dobiti – EBIT u periodu 2018.-2020. godine

R.br.	Naziv kompanije	Operativna dobit		
		2018	2019	2020
1	MOTOREX d.o.o. GRAČANICA	13.582.154	13.426.145	10.690.082
2	ROADING d.o.o. GRAČANICA	0	3.294.020	4.901.162
3	RPC Superfos Balkan Gračanica d.o.o.	2.830.664	4.211.989	4.322.702
4	ZEKA-COMERC d.o.o. Gračanica	2.173.527	2.520.234	3.628.833
5	BEMA BA d.o.o. Gračanica	1.490.161	2.524.981	2.389.614
6	Isowood d.o.o. Gračanica	1.945.588	1.790.288	1.931.358
7	SUMAN d.o.o. GRAČANICA	2.516.551	1.914.788	1.883.971
8	PLAMINGO d.o.o. Gračanica	1.496.677	1.106.529	1.781.309
9	Plastoflex d.o.o. Gračanica	353.587	64.347	1.752.369
10	EDO-SLAD d.o.o. Gračanica	2.069.852	2.435.741	1.721.271
11	EURO PROST d.o.o. GRAČANICA	880.848	844.948	1.655.497
12	ŠIRBEGOVID INŽENJERING d.o.o. Gračanica	2.096.213	3.077.458	1.622.911
13	NASKO Gračanica d.o.o.	463.503	378.491	1.613.085
14	TEHNA d.o.o. GRAČANICA	44.837	678.910	1.437.639
15	TRGOVIR d.o.o. o Gračanica	2.114.197	1.141.476	1.266.693
16	INDEX d.o.o. GRAČANICA	4.409.736	2.948.725	1.231.466
17	ALIBEGOVID PLAST d.o.o. GRAČANICA	1.007.887	690.950	1.183.826
18	AMBRA d.o.o. Gračanica	440.031	1.078.692	1.132.676
19	PLASTEX d.o.o. Gračanica	815.228	466.783	1.115.815
20	FINING d.o.o. Gračanica	1.199.069	1.341.717	1.063.003
UKUPNA OPERATIVNA DOBIT U INDUSTRIJSKOJ GRANI		70.893.123	75.135.295	78.685.585